

Monday, September 15, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

CM

Chief Minister Pu Lalduhoma'n India in kum 2036-a Olympic thleng tura hma a lakna kal mekah India aiawh thei tur Mizo thalai tam tak zawng chhuak turin Empowering Mizoram Sports kalpui mek ani tih a sawi.

Mizoram Rifles Association ten an thlen 12th North East Championship Shooting Championship, 2025 kharna inkhawm, Thara Resorts, Falkland Venga buatsaih a hmanpui na ah he thu hi sawiin Chief Minister chuan Mizoram in Vision 2036 a kalpui mek a ti a, India in kum 2036-a Olympic thleng tura hma a lakna kal mekah India aiawh thei tur Mizo thalai tam tak neih an duh tih sawiin naupang talent nei tha zawn chhuah a, training tha pek tumin Empowering Mizoram Sports chu kalpui mek ani tih a sawi.

Chief Minister chuan silai kah chu infiamna ngaihsan hlawh tak, taksa leh rilru fim tak mamawh chi, mi bikte tan a ni a ti a, hlawhtling taka hmarchhak bial huap inelna an thleng thei chu lawmawm atih thu sawiin Shootin chu Olympic in infiamna zinga a telh avangin mi thiam, chher tlak an neih phawt chuan EMS hnuaiah chherin sawrkarin theihtawp a chhuah dawn tih a sawi.

Forest Minister Pu Lalthansanga pawhin thusawiin intihsiakna fel fai taka buatsaih a nih theih nana mawhphurtute zawng zawng chungah lawmthu a sawi a, infiammite chu rilru fim tak nen hmalam pan thei tura rilru siam turin a chah bawk.

Mizoram hian he inelna hi a thlen tum thumna a ni a, shooters 257 te chu state hrang hrang paruk leh services atanga rawn telin, Assam atanga lo tel an tam ber a, Aizawl khawpui chhung hmun hrang hrangah category milin an intihsiak a, A pumpuiah Mizoram chuan Gold 25 lain team champion a ni a, Meghalaya chuan Gold 24 lain pahnihna an ni.



GST REFORMS

September ni 22 atanga GST rate thar hman hunah rate tihhniam tawh man to a la zuar hriate chu taxation office-ah hriattir turin Commissionerate of State Tax, Deputy Commissioner Lalruatpuia chuan mipuite a chah.

Akashvani Aizawl chuan sorkar laipuiin GST a siamthatna GST 2.0 chungchangah mithiam hrang hrang a kawm a, hetah hian State Tax Dy. Commissioner Pu Lalruatpuia chuan GST 2.0 hnuaia thil man tlahniam tur langsar zual zingah, cement, leh bawngnhnute te a tel tih sawiin, sorkar laipui chuan GST rate a tihdanglam tak avangin company te chu MRP thar neih a phalsak bawk a ti a. GST danah chuan Anti-Profiteering measures a awm tih sawiin, GST nei sumdawngte chuan GST rate tlakhniamna bungraw man te an tihnam ve lo a nih chuan hrem

theih an ni a ti a, September ni 22 atanga GST rate thar hman hunah rate tihhniam tawh, man to a la zuar hriate chu taxation office-ah hriattir turin mipuite a chah a, GST rate thar chuan sumdawngte leh sorkar ni lovin mipui nawlpui, leh loneitute hlawkna tur a ngaihtuah ber tih a sawi bawk a ni.

Byte: Lalruatpuia Dy. Commissioner, Commissionerate of State Tax

Pu Lalruatpuia chuan GST-a pawimawh ber chu Tax Invoice a ni tih sawiin, GST registration nei chuan a dawr chhungah thil leitute hmuh theih turin GST registration nei a ni tih a tar ngei ngei tur a ni a, cheng 200 man aia tam an bungraw leitute hnenah tax invoice an pe ngei ngei tur a ni tih sawiin, hei hi cash memo a ni lo a ti a, invoice-a chhiah pek mil thlapin tax department-ah chhiah a chhung ang a, tax department chuan an chhiah chhun luh leh a invoice pek chhuah hmangin a dik ngei tih an lo finfiah a ngai tawh dawn a ti a, hei hi sumdawngte leh a leituten ngaipawimawh nachang an hre thin lova, dan anga hrem kher ngai lovin mipuite chu hre turin a chah a ni.



ADOPT A DUSTBIN

Mizoram UD&PA hmalakna hnuaia vantlang hmuna tlawmngaia bawlhhlawh bawm enkawltu tur, Adopt a dustbin hnuaiah mi 50 chuangin bawlhhlawh bawm an adopt tawh.

Akashvani Aizawl zawhna chhangin UD&PA Director Pu Jacob Lalawmpuia chuan Adopt a dustbin hi Mizoramin faina kawnga hma a sawn theihna turin Mizoram UD&PA, Central YMA, AMC leh Smart City hmalakna hnuaiah kumin June Ni 5 World Environment Day khan bul an tan a ti a, Pu Jacoba chuan bawlhhlawh bawm hun ringawt a, vil zuitu an awm si loh chuan bawlhhlawh bawm hunna chhehvel chu a ti tawp zawk a, bawlhhlawh bawm awmna tur ngawih ngawiha bawlhhlawh bawm a awm loh avanga hmun tawp em em awm bawk avangin, bawlhhlawh bawm hun a tulna hmuna hun a, chu bawlhhlawh bawm chu enkawltu an awm a, bawlhhlawh paih motor a lo kal hun a, lo paih fai a nih theih nan, vantlang hmunah te tlawmngaia bawlhhlawh bawm enkawl duh tur zawinna atan Adopt a dustbin hi an siam a, bawlhhlawh bawm leh a hunna tur an pe thin tih sawiin, mi in an ngaihllu hle a, Mizoram Florist Association, Taxi Welfare leh School thenkhat tiamin tun dinhmunah pawl leh mimal 50 chuangin bawlhhlawh bawm an adopt tawh a ti a, khaw chhung fai zawk a awm theih nan mipui te chu bawlhhlawh bawm adopt ve turin a sawm a, UD&PA website-ah online kaltlangin leh an office ah kalin bawlhhlawh bawm adopt hi a dil theih tih a sawi a ni.

Byte: UD&PA Director Pu Jacob

Pu Jacob-a chuan pawl, school leh mimal angin bawlhhlawh bawm hi a adopt theih a, chutihrualin remchang lo la a, mimal, school, leh office huamchhunga anmahni mawhphurhna ni sa ah chuan adopt an remti lova, vantlang hmun bawlhhlawh awm tam theihna, neitu awm lohna hmunah bawlhhlawh bawm adopt thei tur an zawng tih a sawi a ni.



PHYSIO AWARD

Mizo Nula Dr. Lalthutiamngheti chuan nimin khan 3rd National Conference of the Indian Association of Physiotherapists (IA) Women Cell and Physio Manthan 2025 ah Outstanding Woman Physio Award a dawng.

3rd National IAPWC hi September ni 13 leh ni 14 khan Constitution Club of India, New Delhi ah neih a ni a, Dr. Lalthutiamngheti, Champhai Vengsang Nula hi chawimawina pek a ni.

Dr. Lalthutiamngheti hian India infiammi langsar tak tak tum engemawzat a lo enkawl tawh a, Sports discipline hrang hrangah Indian Official Team te ram danga an fehchhuahna ah tum 9 lai a lo tawiawm tawh a ni.

